

**Acta da sesión ordinaria da Xunta de Goberno
correspondente ao día 13 de decembro de 2021**

Con data trece de decembro do ano dous mil vinte e un, ás dez horas e un minuto, reúnese a Xunta de Goberno da Deputación a través do sistema de videoconferencia (a través do enlace call.lifesizecloud.com remitido coa convocatoria), co fin de realizar sesión ordinaria en primeira convocatoria e tratar nela os asuntos que figuraban na orde do día, coa asistencia dos seguintes deputados e deputadas:

Presidente:

D. José Manuel Baltar Blanco

Deputados/as:

D. Rosendo Luis Fernández Fernández

D. César Manuel Fernández Gil

D. Plácido Álvarez Dobaño

D.^a Ana María Villarino Pardo

D. Pablo Pérez Pérez

D.^a Luz Doporto Real

D. Armando Ojea Bouzo

Secretario: D. Adamantino Barreiro García

Interventora: D.^a Mónica Legaspi Díaz

Non asiste á sesión o deputado, don Jorge Pumar Tesouro, que escusa a súa ausencia.

Iniciase o tratamento dos asuntos incluídos na orde do día, do modo que se reflicte a continuación:

1.- APROBACIÓN DA ACTA DA SESIÓN ANTERIOR CORRESPONDENTE Á ORDINARIA DO DÍA 29 DE NOVIEMBRE DE 2021.- A Secretaría Xeral deu traslado do

borrador da acta anterior, correspondente á ordinaria do día 29 de novembro de 2021.

Non se producen intervencións, polo que a **Xunta de Goberno**, por unanimidade, **adopta** o seguinte **acordo**:

- Aprobar a acta da sesión ordinaria da Xunta de Goberno do día 29 de novembro de 2021, conforme co borrador elaborado pola Secretaría Xeral.

2.- APROBACIÓN DAS BASES REGULADORAS E CONVOCATORIA DA CONCESIÓN DE BONIFICACIÓNS A ENTIDADES POLO USO DAS INSTALACIÓNS DO PAZO DOS DEPORTES PACO PAZ DURANTE A TEMPORADA 2021-2022.

- De conformidade coa proposta favorable da Presidencia, a Xunta de Goberno, por unanimidade, adoptou o seguinte acordo:

1º.- Aprobar as bases e convocatoria da concesión de bonificacións a entidades deportivas polo uso das instalacións do Pazo dos Deportes Paco Paz durante a temporada 2021-2022, consonte coas seguintes cláusulas:

1ª. OBXECTO

O obxecto destas bases é regular a concesión de bonificacións a entidades polo uso das instalacións do Pazo dos Deportes Paco Paz na temporada 2021-2022.

De conformidade co establecido na Ordenanza reguladora dos prezos públicos pola prestación de servizos e a realización de actividades no Pazo dos Deportes Paco Paz (*BOP núm. 171 de data 27.07.2018*), e segundo o dispón o seu artigo 5, a Xunta de Goberno poderá conceder bonificacións nas tarifas por utilización do pavillón auxiliar e o pavillón principal, tras a solicitude previa dos interesados, cando concorran as seguintes circunstancias: Que a actividade para a que se van a utilizar as instalacións teña un claro carácter de interese público, social, cultural ou deportivo, non podendo tratarse, en ningún caso, dunha actividade susceptible de reportarlle un beneficio económico ao solicitante. O carácter de interese público, social, cultural ou deportivo, virá ponderado polas circunstancias previstas, que servirán de criterios de valoración para a concesión da porcentaxe das bonificacións correspondentes.

2ª. BENEFICIARIOS

Poderán ser beneficiarios aquelas entidades deportivas, culturais ou recreativas que fagan uso do Pazo dos Deportes durante a temporada 2021-2022.

3ª. LUGAR DE PRESENTACIÓN

As solicitudes, subscritas pola persoa representante da entidade, irán dirixidas á Presidencia da Deputación Provincial de Ourense, mediante a súa presentación no Rexistro Xeral desta entidade, ou a través de calquera outro medio dos previstos no artigo 16 da Lei 39/2015, de procedemento administrativo común das administracións públicas.

A presentación no Rexistro Xeral da Deputación poderá realizarse por calquera dos seguintes medios:

a) De forma presencial, mediante a presentación en papel da solicitude e da documentación anexa na oficina de asistencia ao cidadán en materia de Rexistro da Deputación Provincial ou nas oficinas de asistencia de calquera outra administración pública.

b) De forma telemática, a través do rexistro xeral da sede electrónica da Deputación Provincial (<http://www.depourense.es/index.php/es/sede-electronica-es>)

4ª. PRAZO DE PRESENTACIÓN

O prazo de presentación, para aquelas entidades que fagan uso das instalacións durante toda a temporada deportiva, iniciárase a partir da publicación da convocatoria regulada nestas bases no BOP de Ourense, e rematará o 30.12.2021, sendo este o último día no que poderán presentarse validamente as solicitudes.

Para actividades puntuais e extraordinarias as solicitudes oficiais deberán presentarse como mínimo cunha semana de antelación á celebración do evento, ao longo da temporada deportiva, con data límite en todo caso do 01.08.2022.

5ª. DOCUMENTACIÓN PARA PRESENTAR

As solicitudes, en modelo oficial, están a disposición de todos os interesados na páxina web do Pazo dos Deportes, www.pazopacopaz.es, ou nas oficinas da instalación. Coa indicada solicitude deberán acompañar a información necesaria para valorar adecuadamente os criterios que se indican a continuación.

6ª. CRITERIOS DE VALORACIÓN E PORCENTAXE DAS BONIFICACIÓNS

Valoraranse os criterios referidos con detalle no artigo 5º da Ordenanza reguladora dos prezos públicos pola prestación de servizos e a realización de actividades no Pazo dos Deportes Paco Paz, e que son os seguintes:

- Categoría deportiva dos deportistas para os cales solicita a bonificación e categoría da competición. Puntuarase máis alta a presenza de máis equipos e deportistas de base, de mulleres, e a presenza de colectivos desfavorecidos. Tamén se outorgará unha puntuación máis alta canto máis importante sexa a categoría da competición (de 0 a 20 puntos).

- Condicionantes económicos da entidade provenientes da análise do seu orzamento ou liquidación de gastos e ingresos, dando maior puntuación canto máis racional sexa e canto máis contribución exista de fondos propios e axudas privadas (de 0 a 15 puntos).

- Cando se trate de solicitude para uso de instalación ao longo da temporada deportiva, valoraranse ademáis, os anos de antigüidade utilizando o Pazo dos Deportes, dando máis puntos canto máis antiga sexa a súa presenza na instalación (de 0 a 5 puntos).

- Cando se trate de actividade puntual, ademáis valorarase a idoneidade e especial consideración a tal fin, do Pazo dos Deportes, dando máis puntos canto máis adecuada sexa a instalación para a actividade de que se trate (de 0 a 5 puntos).

- Outras especiais circunstancias, razoadas de maneira motivada, que redunden en beneficio do Pazo dos Deportes e dos seus usuarios, ou que supoñan un claro interese público ou social da actividade (de 0 a 5 puntos).

A porcentaxe de bonificación sobre a cota do prezo público, calcularase do seguinte xeito:

- De 36 a 50 puntos..... 100 % de bonificación
- De 25 a 35 puntos..... 90 % de bonificación
- De 20 a 24 puntos..... 75 % de bonificación
- De 15 a 19 puntos.....60 % de bonificación
- De 10 a 14 puntos..... 45 % de bonificación
- De 6 a 9 puntos..... 30 % de bonificación
- De 3 a 5 puntos..... 20% de bonificación
- Menos de 3 puntos..... 0% de bonificación

7ª. RESOLUCIÓN

Tras os informes técnicos previos oportunos, a Xunta de Goberno graduará a porcentaxe da bonificación que conceda en función dos criterios de valoración indicados anteriormente e acreditados polo solicitante, podendo acadar con carácter extraordinario o 100% das tarifas establecidas.

2º.- Aprobar a convocatoria da concesión de bonificación regulada nas devanditas bases, ordenando a publicación do correspondente anuncio no BOP e na sede electrónica da Deputación.

3.- MODIFICACIÓN DO PLAN PROVINCIAL DE COOPERACIÓN ÁS OBRAS E SERVIZOS MUNICIPAIS E DA REDE VIARIA PROVINCIAL DO EXERCICIO 2021, RELATIVA Á OBRA 104/POS/2021, DO CONCELLO DE CARTELLE.-

De conformidade coa proposta favorable da Presidencia, a Xunta de Goberno, por unanimidade, adoptou o seguinte acordo:

Modificar o Plan (principal) provincial de cooperación ás obras e servizos municipais e da rede viaria provincial do exercicio 2021 no relativo ao Concello de Cartelle, modificando o importe de licitación da obra 104/POS/2021 denominada “acondicionamento e mellora da OU-0215 Toén (OU-0519) – Cartelle (OU-404)_Arnoia (OU-402)”, cun orzamento total de execución de 146.770,93 €, que será financiada do seguinte xeito: 140.000,00 € con cargo á aplicación orzamentaria 45311/61901 da Deputación Provincial e 6.770,93 € con cargo ao orzamento do Concello de Cartelle.

4.- SUBVENCIÓN A FAVOR DO CONCELLO DE PARADA DO SIL PARA A EXECUCIÓN DA OBRA “CONSTRUCCIÓN DE BEIRARRÚAS NO NÚCLEO DA CASALTA”.- De conformidade coa proposta favorable da Presidencia, a Xunta de Goberno, por unanimidade, adoptou o seguinte acordo:

Concederlle unha subvención nominativa ao Concello de Parada do Sil para a execución da obra *construcción de beirarrúas no núcleo da Casalta*, polo importe de 60.000,00 euros, coas seguintes condicións:

A contratación do investimento subvencionado será realizada directamente pola Deputación Provincial de Ourense, a través da súa Sección de Contratación. A subvención entenderase xustificada coa execución do seu obxecto pola Deputación.

A dirección facultativa da execución das obras e a coordinación de seguridade e saúde, corresponderá aos técnicos designados polo concello, a través dos que a administración municipal poderá dispoñer da información necesaria sobre a execución das obras así como controlar a súa correcta execución.

Concluída a execución da actuación subvencionada, comunicarse ao concello para os efectos de que designe un representante que poida asistir ao acto de recepción da obra, en virtude do cal, e sempre que o concello amose a súa conformidade na correspondente acta, as obras entenderanse entregadas ao concello beneficiario.

A desconformidade do concello coa recepción da obra deberá ser motivada por causas non imputables á dirección facultativa das obras, e dará lugar á incoación e tramitación por parte da Deputación dos procedementos necesarios para a súa resolución.

5.- SUBVENCIÓN A FAVOR DO CONCELLO DE PARADA DO SIL PARA A EXECUCIÓN DA OBRA “ABASTECIMIENTO EN SAN FIZ”.- De conformidade coa proposta favorable da Presidencia, a Xunta de Goberno, por unanimidade, adoptou o seguinte acordo:

Concederlle unha subvención nominativa ao Concello de Parada do Sil para a execución da obra *abastecemento en San Fiz*, polo importe de 12.000,00 euros, coas seguintes condicións:

A contratación do investimento subvencionado será realizada directamente pola Deputación Provincial de Ourense, a través da súa Sección de Contratación. A subvención entenderase xustificada coa execución do seu obxecto pola Deputación.

A dirección facultativa da execución das obras e a coordinación de seguridade e saúde, corresponderá aos técnicos designados polo concello, a través dos que a administración municipal poderá dispoñer da información necesaria sobre a execución das obras así como controlar a súa correcta execución.

Concluída a execución da actuación subvencionada, comunicarse ao concello para os efectos de que designe un representante que poida asistir ao acto de recepción da obra, en virtude do cal, e sempre que o concello amose a súa conformidade na correspondente acta, as obras entenderanse entregadas ao concello beneficiario.

A desconformidade do concello coa recepción da obra deberá ser motivada por causas non imputables á dirección facultativa das obras, e dará lugar á incoación e tramitación por parte da Deputación dos procedementos necesarios para a súa resolución.

6.- SUBVENCIÓN AO CONCELLO DE RAIRIZ DE VEIGA PARA A EXECUCIÓN DA OBRA “DEPÓSITOS DE AUGA EN ZAPEAUS Y CELME”.- De conformidade coa proposta favorable da Presidencia, a Xunta de Goberno, por unanimidade, adoptou o seguinte acordo:

Concederlle unha subvención nominativa a favor do Concello de Rairiz de Veiga, para a execución da obra *depósitos de auga en Zapeaus e Celme*, polo importe de 40.000,00 euros, coas seguintes condicións:

A contratación do investimento subvencionado será realizada directamente pola Deputación Provincial de Ourense, a través da súa Sección de Contratación. A subvención entenderase xustificada coa execución do seu obxecto pola Deputación.

A dirección facultativa da execución das obras e a coordinación de seguridade e saúde, corresponderá aos técnicos designados polo concello, a través dos que a administración municipal poderá dispoñer da información necesaria sobre a execución das obras así como controlar a súa correcta execución.

Concluída a execución da actuación subvencionada, comunicarse ao concello para os efectos de que designe un representante que poida asistir ao acto de recepción da obra, en virtude do cal, e sempre que o concello amose a súa conformidade na correspondente acta, as obras entenderanse entregadas ao concello beneficiario.

A desconformidade do concello coa recepción da obra deberá ser motivada por causas non imputables á dirección facultativa das obras, e dará lugar á incoación e tramitación por parte da Deputación dos procedementos necesarios para a súa resolución.

7.- SUBVENCIÓN A FAVOR DO CONCELLO DE SAN XOÁN DE RÍO PARA A EXECUCIÓN DA OBRA “MELLORA DO FIRME DA REDE VIARIA”.- De conformidade coa proposta favorable da Presidencia, a Xunta de Goberno, por unanimidade, adoptou o seguinte acordo:

Concederlle unha subvención nominativa ao Concello de San Xoán de Río, para a execución da obra “*mellora do firme da rede viaria*”, polo importe de 48.000,00 euros, coas seguintes condicións:

A contratación do investimento subvencionado será realizada directamente pola Deputación Provincial de Ourense, a través da súa Sección de Contratación. A subvención entenderase xustificada coa execución do seu obxecto pola Deputación.

A dirección facultativa da execución das obras e a coordinación de seguridade e saúde, corresponderá aos técnicos designados polo concello, a través dos que a administración municipal poderá dispoñer da información necesaria sobre a execución das obras así como controlar a súa correcta execución.

Concluída a execución da actuación subvencionada, comunicarse ao concello para os efectos de que designe un representante que poida asistir ao acto de recepción da obra, en virtude do cal, e sempre que o concello amose a súa conformidade na correspondente acta, as obras entenderanse entregadas ao concello beneficiario.

A desconformidade do concello coa recepción da obra deberá ser motivada por causas non imputables á dirección facultativa das obras, e dará lugar á incoación e tramitación por parte da Deputación dos procedementos necesarios para a súa resolución.

8.- ASUNTOS DE URXENCIA.- Non se suscitaron.

9.- COMUNICACIÓNS DA PRESIDENCIA.- Non se presentaron.

10.- ROGOS E PREGUNTAS.- Non se formularon.

E, ás dez horas e cinco minutos do referenciado día trece de decembro do ano dous mil vinte e un, a Presidencia dá por rematada a sesión da Xunta de Goberno, e redáctase esta acta, que se asinará electronicamente.